

Ekonomi



KUALA LUMPUR
(Indeks Komposit)
(+6.31) mata
1,569.51



SINGAPURA
(Straits Times)
(+2.32) mata
3,257.30



TOKYO
Nikkei
(-276.53) mata
28,489.13



NEW YORK
Dow Jones
(+38.30) mata
36,290.32



Pekerja asing sektor perladangan dibawa masuk bulan depan

* Oleh **AMIRAH AHMAD**
utusannews@mediamulia.com.my

PUTRAJAYA: Kerajaan yakin ke-
masukannya ribuan pekerja asing
untuk sektor perladangan di se-
luruh negara bulan depan mam-
pu menangani isu kekurangan mam-
bekalan produk minyak sawit.



ZURAIDA KAMARUDDIN

Menteri Perusahaan Perla-
dangan dan Komoditi, Datuk
Zuraida Kamaruddin, ia diharap
dapat mengatasi kemerosotan
bekalan komoditi itu bagi me-
enuhi permintaan tinggi du-
nia.

“Difahamkan, pada tahun
lalu negara hanya mampu
mengeluarkan sekitar 18 juta
tan tetapi dari segi pendapatan
melonjak kerana kekurangan
itu mengakibatkan harga pula
naik,” jelasnya dalam sidang
akhbar selepas merasmikan
Seminar Semakan dan Tinjauan
Ekonomi Minyak Sawit 2022 an-
juran Kementerian itu di Hotel
Marriott di sini, semalam.

Seminar itu turut mendapat
kerjasama Lembaga Minyak
Sawit Malaysia (MPOB) den-
gan sesi sesi ucapan utama disam-

paikan oleh Ketua Pengarahnya,
Datuk Dr. Ahmad Parveez Ghu-
lam Kadir.

Zuraida berkata, Menteri
Sumber Manusia, Datuk Seri
M. Saravanan dalam mesyuarat
Kabinet semalam mengesahkan
kemasukan pekerja asing sektor
perladangan dijangka bermula
pertengahan Februari setelah
memorandum persefahaman
(MoU) dimeterai dengan pelba-
gai negara sumber dimuktama-
kan dalam masa terdekat.

Ujar beliau, pekerja asing
terbabit antaranya dari Indo-
nesia, Bangladesh dan selatan
Thailand kerana kosnya lebih
murah serta berdasarkan pen-
galaman sebelum ini dalam
pembekalan buruh estet.

Jelasnya, kelewatan yang
berlaku ketika ini disebabkan

ada beberapa isu teknikal yang
perlu dirundingkan dengan tel-
iti, termasuk soal gaji minimum
apabila ada negara pembekal
yang mahu ditetapkan sebanyak
RM2,200 sebulan, tetapi ia me-
merlukan persetujuan daripada
pihak industri.

“Kalau mereka bersetuju
sama dengan upah minimum
pekerja Malaysia iaitu setakat
RM1,500 sebulan, kita tiada
masalah asalkan semua pihak
berkaitan dapat faedah berse-
ma,” katanya.

Zuraida berkata, setakat ini
Indonesia dijangka bersetuju
menghantar rakyat mereka un-
tuk bekerja di ladang kelapa sa-
wit, namun perlu dilihat semula
MoU melibatkan pembantu ru-
mah.

Beliau memberi jaminan, isu

kemelum pekerja ladang yang
amat kritikal dapat ditangani
antara kerajaan-ke-kerajaan
(G2G) selain mendapat input
daripada pelbagai pihak pemeg-
ang taruh.

Jelasnya, masalah itu agak
rumit kerana selain isu gaji, tu-
rut diambil kira soal kebijakan
pekerja khususnya penempatan
asrama dan kemudahan samp-
ingan lain.

Dalam pada itu, Kementerian
optimis negara mampu menca-
pai sasaran pendapatan eksport
produk minyak sawit melepasi
RM100 bilion tahun ini.

Zuraida berkata, walaupun
ada pelbagai cabaran terutama
kekurangan buruh dan isu wa-
bak, eksport produk komoditi
itu melonjak kepada RM95.76
bilion pada 2021.